

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎԻ
ԳԼԽԱՎՈՐ ՔԱՐՏՈՒՂԱՐ

Հայաստանի Հանրապետություն, 0010, ք. Երևան, Տիգրան Մեծի 4, հեռ.՝ (+374 60) 830 840, (+374 60) 830 850

Էլ-փոստ՝ info@competition.am, վեբ կայք՝ <http://www.competition.am>
«26» 07 20 23թ.
No 006758

«ՍԿԱՐԼԵՏ» ՍԱՀՄԱՆԱՓԱԿ
ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ՏՆՕՐԵՆ
ՊԱՐՈՆ ԻՇԽԱՆ ՉԱՐԽՉՅԱՆԻՆ
(հասցե՝ ք. Երևան, Մարգարյան Շ. 10-15)

Հարգելի՛ պարոն Չարխչյան,

Կից ուղարկվում է Մրցակցության պաշտպանության հանձնաժողովի (այսուհետ նաև՝ **Հանձնաժողով**) 2023 թվականի հուլիսի 25-ի ««Նոյան Տապան» սահմանափակ պատասխանատվությամբ ընկերության 2019 թվականի օգոստոսի 2-ի դիմումի հիման վրա հարուցված վարչական վարույթը վերսկսելու մասին» թիվ 349-Ա որոշման պատճենը:

Միաժամանակ տեղեկացնում ենք, որ Հանձնաժողով փաստաթղթեր ներկայացնել և ստանալ, ինչպես նաև Հանձնաժողովի հետ հետագա ողջ հաղորդակցությունը կարող եք իրականացնել նաև առցանց՝ Հանձնաժողովի e-Compete էլեկտրոնային համակարգի (այսուհետ նաև՝ **Համակարգ**) միջոցով, որի համար անհրաժեշտ է գրանցվել Համակարգում՝ մուտք գործելով Հանձնաժողովի պաշտոնական կայքի (www.competition.am) «Իմ էջը» բաժին, ընտրելով «Գրանցվել» հրամանը և լրացնելով անձի նույնականացման համար պահանջվող տվյալները:

Առդիր՝ «4» թերթ:

ՀԱՐԳԱՆՔՈՎ՝

ԱՇՈՏ ՎԱՀԱՆՅԱՆ



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ

Ո Ր Ո Շ ՈՒ Մ

25 հուլիսի 2023 թվականի թիվ 349-Ա

**«ՆՈՅԱՆ ՏԱՊԱՆ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ 2019
ԹՎԱԿԱՆԻ ՕԳՈՍՏՈՍԻ 2-Ի ԴԻՄՈՒՄԻ ՀԻՄԱՆ ՎՐԱ ՀԱՐՈՒՑՎԱԾ ՎԱՐՉԱԿԱՆ
ՎԱՐՈՒՅԹԸ ՎԵՐՍԿՍԵԼՈՒ ՄԱՍԻՆ**

Մրցակցության պաշտպանության հանձնաժողովը (այսուհետ նաև՝ **Հանձնաժողով**) 2023 թվականի հուլիսի 25-ի նիստում, քննարկելով «Նոյան Տապան» սահմանափակ պատասխանատվությամբ ընկերության (այսուհետ նաև՝ **Ընկերություն**) 2019 թվականի օգոստոսի 2-ի դիմումի հիման վրա հարուցված վարչական վարույթը (այսուհետ նաև՝ **Վարույթ**) վերսկսելու մասին հարցը,

Պ Ա Ր Զ Ե Ց

Ընկերությունը 2019 թվականի օգոստոսի 2-ին Հանձնաժողով է ներկայացրել դիմում (այսուհետ նաև՝ **Դիմում**)՝ հայտնելով, որ Ընկերությունը 2000 թվականից Եվրոպայում կազմակերպում և իրականացնում է «DAN MARK» ապրանքային նշանով տետրերի տպագրությունը: Ընկերության կողմից արտադրվող տետրերի դիզայնի և վաճառքի հեղինակային բացառիկ իրավունքը պաշտոնապես պատկանում է Ընկերությանը, որը 2018 թվականի օգոստոսի 13-ին գրանցված «ՏԵՏՐ» անվանումով համակցված ապրանքային նշանի իրավատերն է:

Դիմումի համաձայն՝ ՀՀ փոքր շուկայի առկայության պայմաններում վաճառքում նկատվում և մշտապես բացահայտվում են «կեղծված» դիզայնով տետրեր, որոնք ներմուծվում են ԱՊՀ երկրներից /ՌԴ/ կամ արտադրվում են Հայաստանում: Ընկերությունը 2018 թվականից պայքարում է կոնտրաֆակտ արտադրանքի դեմ: Մասնավորապես, «Սկարլետ» սահմանափակ պատասխանատվությամբ ընկերության (այսուհետ նաև՝ **«Սկարլետ» ընկերություն**) կողմից արտադրվում է տետրի տեսակ, որը ճիշտ կրկնում է հեղինակային իրավունքով ամրագրված տետրի ֆունկցիոնալ բնութագրերը՝ կազմի գունային երանգը, ստվարաթղթի ֆակտուրան (արտաքին մակերեսի մշակվածության դիզայնը), ինչպես նաև տետրի ճակատային անվանման, լրացման ուղղանկյան կրեմագույն երանգը, դիտավորության միտումով շփոթություն առաջացնում սպառողների շրջանում:

Բացի այդ, Ընկերությունը նշել է, որ բազմիցս գրությամբ տեղեկացրել է «Սկարլետ» ընկերության տնօրինությանը, որ խախտում է Ընկերության հեղինակային իրավունքները, սակայն այն մնացել է անպատասխան: Ստեղծված իրավիճակը հանգեցնում է անբարեխիղճ մրցակցության, խոչընդոտում ազատ տնտեսական մրցակցության պաշտպանությանը, ստեղծում կեղծիքի, որակի խեղաթյուրման, խաբեության մթնոլորտ, խոչընդոտում բարձրորակ տեսրերի սպառմանը, դրանով իսկ վնասում, վտանգի տակ դնում սպառողների շահերը, ինչպես նաև խախտում է սպառողների շրջանում բարեխղճության՝ ազնվության, արդարության, ճշմարտության, անաչառության սկզբունքները: Ըստ Ընկերության, նշված պատկերը անարդարացի կերպով առաջացնում է մրցակցային անհավասար պայմաններ, ինչի հետևանքով Ընկերությունը կրում է ֆինանսական զգալի վնասներ:

Ընկերությունը խնդրել է Հանձնաժողովին ձեռնարկել համապատասխան միջոցներ, ինչպես նաև Դիմումին կից ներկայացրել է Ընկերության կողմից արտադրված 12 թերթանի մուգ դարչնագույն տետրի նմուշ:

«Վարչարարության հիմունքների և վարչական վարույթի մասին» օրենքի 30-րդ հոդվածի 1-ին մասի «ա» կետի համաձայն՝ Ընկերության՝ 2019 թվականի օգոստոսի 2-ի դիմումի հիման վրա հարուցվել է վարչական վարույթ:

Վարչական վարույթի շրջանակներում Հանձնաժողովի նախագահի՝ 2019 թվականի օգոստոսի 7-ի «Հսկիչ գնում իրականացնելու վերաբերյալ» թիվ 92-Ա հրամանի հիման վրա «Սիթի» սահմանափակ պատասխանատվությամբ ընկերության մոտ՝ ք. Երևան, Մաշտոցի 5 հասցեում իրականացվել է հսկիչ գնում: Հսկիչ գնմամբ ձեռք է բերվել «Սկարլետ» ընկերության կողմից արտադրված, 12 թերթանոց տետր՝ 70 դրամ արժեքով:

Բացի այդ, վարչական վարույթի շրջանակներում Հանձնաժողովը՝ Հանձնաժողովի գլխավոր քարտուղարի պաշտոնակատարի՝ 2019 թվականի օգոստոսի 7-ի թիվ ԱՎ-1651 գրությամբ (այսուհետ նաև՝ **թիվ ԱՎ-1651 գրություն**) դիմել է ՀՀ էկոնոմիկայի նախարարության մտավոր սեփականության գործակալությանը (այսուհետ նաև՝ **Գործակալություն**)՝ խնդրելով տրամադրել Ընկերության և «Սկարլետ» ընկերության անվամբ գրանցված և ՀՀ-ում իրավական պահպանության ենթակա բոլոր ապրանքային նշանների վկայականների պատճենները:

Գործակալությունը, ի պատասխան թիվ ԱՎ-1651 գրության, հայտնել է, որ Ընկերության անունով գրանցված են թիվ 6837 (գրանցման թվական՝ 01.07.2002), թիվ 27762 (գրանցման թվական՝ 13.08.2018) հերթական գրանցման համարներ ունեցող ապրանքային նշանները (կցելով՝ ապրանքային նշանների պետական գրանցամատյանից քաղվածքները, ինչպես նաև ապրանքային նշանների գրանցման վկայագրերի պատճենները): Գործակալությունը հայտնել է նաև, որ Գործակալությունում «Սկարլետ» ընկերության անունով ապրանքային նշաններ գրանցված չեն:

Գործակալության կողմից ներկայացված ապրանքային նշանների գրանցման վկայագրերի պատճենների ուսումնասիրությունից պարզվել է, որ Ընկերությունը 2018 թվականի օգոստոսի 13-ին գրանցել է «Տետր» անվանումով (հերթական համար՝ 27762) պատկերային ապրանքային նշանն ապրանքների և ծառայությունների միջազգային դասակարգման (ԱԾՄԴ) 16-րդ (տետրեր) դասում: Ապրանքային նշանը պահպանվում է մուգ դարչնագույն, բեժ, կարմիր, կապույտ և սև գունային համակցությամբ, իսկ ապրանքային նշանում բոլոր գրառումներն ինքնուրույն պահպանության օբյեկտներ չեն:


պաշտպանության մասին» օրենքի 19-րդ հոդվածի 1-ին մասի «թ» կետով, 30-րդ հոդվածի 2-րդ մասով՝ Հանձնաժողովը

Ո Ր Ո Շ Ե Ց

1. Վերսկսել «Նոյան Տապան» սահմանափակ պատասխանատվությամբ ընկերության 2019 թվականի օգոստոսի 2-ի դիմումի հիման վրա հարուցված վարչական վարույթը:
2. Սույն որոշումն ուժի մեջ է մտնում ընդունման պահից:

ՆԱԽԱԳԱՀ

2023 թ. հուլիսի 25
Երևան



Գ. ԳԵՎՈՐԳՅԱՆ

